



HE KETE MANARUA

## TE AO HAKA



### KAUPAE 3

91986 | Te whakaatu i ngā pekanga e rua o Te Ao Haka.  
(Ngā Whiwhinga: E 5)

Te Rā Tuku Aromatawai ā-Waho: Te Wāhanga 4 - I mua i te 28 o Oketopa, 2026.



# NZQA

Mana Tohu Mātauranga o Aotearoa  
New Zealand Qualifications Authority

# Te Whārangi Ihirangi

He Kete Manarua .....	2
<b>91986 Te whakaatu i ngā pekanga e rua o Te Ao Haka</b>	
<b>Te Tūmahi Aromatawai ā-Waho .....</b>	<b>4</b>
Te Whakamahukitanga .....	4
Te Whakatakotoranga Aromatawai ā-Waho .....	4
Ngā Heipūtanga .....	4
Te Wetewete i te Paerewa Paetae .....	4
He Whakamāramatanga 2 .....	4
He Whakamāramatanga 3 .....	5
He Whakamāramatanga 4 .....	5
He Whakamāramatanga 5 .....	5
<b>Te Paerewa Paetae .....</b>	<b>6</b>
<b>Te Tautuhinga Aromatawai ā-Waho .....</b>	<b>8</b>
Te Whakatakotoranga Aromatawai ā-Waho .....	8
Ngā Herenga Aromatawai ā-Waho .....	8
Te Motuhēhē o ngā mahi o ngā ākongā .....	9
Te Tāpaetanga me te Hāponotanga .....	9
<b>Te Mahere Aromatawai ā-Waho .....</b>	<b>10</b>



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuatanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

Te uhi o mua:

Nā Laiotz te whakaahua / Adobe Stock.



# Te Ao Haka

91986 Te whakaatu i ngā pekanga e rua o Te Ao Haka

(Te Kaupae 3, Ngā Whiwhinga e 5)

Āta pānuitia, āta tirohia, āta whakaarohia ake hoki ngā tohutohu mō tēnei aromatawai ā-waho.  
Kaua e tukua kia noho tārewa tētahi wāhanga, engari whāia tonutia kia ita.

Kairangi	Kaiaka	Paetae
Te whakapuaki i ngā pekanga e rua o Te Ao Haka	Te whakaari i ngā pekanga e rua o Te Ao Haka	Te whakaatu i ngā pekanga e rua o Te Ao Haka

# Te Tūmahi Aromatawai ā-Waho

## Te Whakamahukitanga

Ka whakaaturia e ngā ākonga ngā pekanga e **RUA** nō Te Ao Haka.

## Te Whakatakotoranga Aromatawai ā-Waho

Ka tū ngā ākonga ki te karawhiu i ngā pekanga e **RUA** i roto i tētahi whakaaturanga, ka mutu, ka hopukina ki te kiriata. Me āta kite te ākonga e te kaiarotake, **kia kaua e iti iho i te rua miniti te roa o tāna e kite pai ai i te ākonga.**

Kei te ākonga te tikanga mehemea ka tū ā-takitahi nei, ā-rōpū nei, ā-whakaritenga nei, ā-kura rānei.

Ka āhei te karawhiu i ngā tūnga nei i te hopukanga kotahi, i ngā hopukanga e rua rānei, heoi, kia pai te kitenga o te ākonga mai i te tīmatanga ki tōna mutunga.

**Me karawhiu ēnei tūnga i tēnei tau tonu nei, ā, kāore e whakaaetia ana ngā hopukanga o tua atu, o tua mai.**

## Ngā Heipūtanga

Ka tukuna ngā tohutohu tāpaetanga ki ngā kura. Kia mōhio mai, kāore ngā tāpaetanga ā-matihiko e whakahokia ki ngā ākonga. Me motuhenga te mahi a te ākonga, ā, me tuku ngā mahi i mua i te rā whakamutunga o **28 Oketopa, 2026.**

## Te Wetewete i te Paerewa Paetae

E āhei ana te ākonga ki te tō mai i ōna mōhioanga haka hei whakaaturanga motuhake, kia puta ai te ihi, te wehi, ngā tikanga, me ngā kare ā-roto anō hoki. Ka whakaatu hoki te ākonga i tana mātau ki ngā kōrero me ngā titonga.

### Te Kaupae 3

I te Kaupae 3, ka whakakoi ake, ka whakaahua ake ngā ākonga i te āhua o tana tū, i te pakari o tana tū, me te ruku hōhonu ki ōna anō wheako i Te Ao Haka.

## He Whakamāramatanga 2

*Te karawhiu kia rua ngā pekanga o Te Ao Haka mā te:*

- » whakaatu i ngā pekanga rerekē e rua.
- » whakatakoto māramatanga ki te tāera o ia pekanga i roto i te tūnga.

*Te whakakōrero i ngā pekanga e rua o Te Ao Haka mā te:*

- » whakapuaki whakaaro i roto i te tūnga mā te tuku i ngā kare ā-roto me te wairua kia rere.
- » whakaahua tika i ngā kōrero o ia pekanga i roto i ngā whakaaturanga.

*Te whakakorikori i ngā pekanga e rua o Te Ao Haka mā te:*

- » karawhiu i ngā whakaaturanga i runga i te ihi, i te wehi, me te wana.
- » karawhiu i ngā whakaaturanga hei pūkōrero, hei pūwānanga.

## He Whakamāramatanga 3

Ko te pekanga ko ngā mea e hāngai ana ki ngā wāhanga o Te Ao Haka.

**Ko ngā pekanga ēnei kei raro iho nei:**

- haka, haka wahine,
- mōteatea,
- poi,
- waiata ā-ringa,
- whakaeke,
- whakawātea.



## He Whakamāramatanga 4

Me pai te rere o ngā whakaaturanga mō ia pekanga atu i te tīmatanga ki tōna mutunga. Ko te tūmomo nō Te Ao Haka, ko tētahi titonga waiata e whai nekehanga ana, e whai reo haka/waiata ana, e whai kupu ana hoki. Ehara i te mea me whai pānga te kaupapa o tētahi waiata/haka ki tētahi, ā, ehara hoki i te mea me karawhiu ngā pekanga e rua i te wā kotahi.

## He Whakamāramatanga 5

***Te Ihi, te wehi me te wana:***

- Ko te **ihi** ka puta i ngā ringaringa, i ngā waewae, i ngā whatu, i ngā kare ā-roto o te kaihaka, o te rōpū rānei.
- Ko te **wehi** tērā e rangona ana e te kaimātakitaki i runga i te wehi o te kaihaka, o te rōpū rānei.
- Ko te **wana**, ko te āhuratanga e ora nei i te kaihaka, i te rōpū rānei.

Katoa ēnei he āhuratanga motuhake e puta ai ngā kare ā-roto, e rere ai te wairua, e tū tārewa ai te ngākau ki te rangi. Mā te ihi, mā te wehi, mā te wana hoki e āhei ai te kaihaka ki te karawhiu i te haka/waiata i runga i te wehi o te whakaaro, i te ihi o te haka, me te wana o te tū.

### MĀTĀPUNA

MĀORI+ | Whakaata Māori (Māori Television). Watch HAKA Regionals 2024 - Rangitāne | MĀORI+ | Whakaata Māori. <https://www.maoriplus.co.nz/show/haka-regionals-2024-rangitane>. (2024).

# Te Paerewa Paetae

Tau

AS91986

Putanga

2

Whārangi 3 o te 2

## Paerewa Paetae

<b>Aronga</b>	Te Ao Haka 3.3		
<b>Ingoa</b>	Te whakaatu i ngā pekanga e rua o Te Ao Haka		
<b>Kaupae</b>	3	<b>Whiwhinga</b>	5 <b>Aromatawai</b> Ā-waho
<b>Marau akoranga</b>	Ngā Mahi a te Rēhia		
<b>Kokonga akoranga</b>	Te Ao Haka		
<b>Mana rēhita</b>	Kua rēhitatia	<b>Te rā i mana ai</b>	15 o Tīhema 2022
<b>Te rā e arotakengia ai</b>	31 o Tīhema 2027	<b>Te rā i puta ai</b>	10 o Hānuere 2023

Ka whakaatu te ākonga i ngā pekanga e rua o Te Ao Haka

### Paearu Paetae

Paetae	Kaiaka	Kairangi
<ul style="list-style-type: none"> <li>Te whakaatu i ngā pekanga e rua o Te Ao Haka</li> </ul>	<ul style="list-style-type: none"> <li>Te whakaari i ngā pekanga e rua o Te Ao Haka</li> </ul>	<ul style="list-style-type: none"> <li>Te whakapuaki i ngā pekanga e rua o Te Ao Haka</li> </ul>

### Kōrero Āpiti

1 Ko tēnei Paerewa Paetae, he mea ahu mai i te *New Zealand Curriculum*, Learning Media, Ministry of Education, 2007, ā, ka hāngai ki ngā whāinga o ngā Whakaaro Whānui ki Taumata 8 o te *Tukutuku Ako o Te Ao Haka ki ngā Taumata 6, 7, 8*. [<https://ncea.education.govt.nz/arts/te-ao-haka?view=learning>].

2 Ka whai wāhi ki te *whakaatu i ngā pekanga e rua o Te Ao Haka*:

- te whakaatu i ngā pekanga rerekē e rua;
- te whakaatu māramatanga ki te kāhua o ia pekanga mā roto i te whakaaturanga.

Ka whai wāhi ki te *whakaari i ngā pekanga e rua o Te Ao Haka*:

- te whakaatu i te whai tikanga ki ia wāhanga mā te tika o ngā pūkenga me te whakapuakanga;
- te āta kawē i ngā kōrero o ia pekanga mā te whakaaturanga.

Ka whai wāhi ki te *whakapuaki i ngā pekanga e rua o Te Ao Haka*:

- te whakatutuki i tētahi whakaaturanga i runga i te ihi, i te wehi, me te wana;

**Tau** AS91986 **Putanga** 2 **Whārangi** 4 o te 2

- te whakatutuki i te whakaaturanga i runga i te toi o te kōrero pūrākau, i te wahapū o te whakapuakanga ā-reo me te matatau ā-kaupapa whāiti.

3 E kōrero ana te *pekanga* mō tētahi pekanga whakaatu i roto i Te Ao Haka.

Kei te rārangi o ngā pekanga:

- te mōteatea
- te waiata ā-ringa
- te poi
- te haka, te haka wahine
- te whakaeke
- te whakawātea.

Ko te whakaaturanga o ia pekanga me whai tūmomo kua oti. Ko te *tūmomo* i Te Ao Haka e kōrero ana mō tētahi titonga e whai wāhi atu ai te nekehanga, te reo me te kupu. Ehara i te mea me hāngai tētahi o ngā tūmomo ki tērā atu, ā, ehara i te mea me whakaatu ngā tūmomo e rua i te wā kotahi.

4 Te *ihi*, te *wehi*, me te *wana*

- Ko te *ihi* e kōrero ana mō tā te kaiwhakaatu whakaputa i tōna ake manea, i tōna ake kohara hoki e toko ake ai i te minenga te whakamīharo, te whakaaro nui rānei
- Ko te *wehi* e kōrero ana mō te whakamīharotanga ki te turua o ngā kaiwhakaatu, o ngā whakaaturanga rānei
- Ko te *wana* e kōrero ana mō te hiamō ka hua ake nā te kaiwhakaatu rānei, nā te whakaaturanga rānei.

Hui katoa, ka puta ake te tikanga e hua mai ai he whakaaturanga e matatau ana ā-toi, ā-kaupapa whāiti hoki. Mā te tū o te *ihi*, o te *wehi* me te *wana* e taea ai e te kaiwhakaatu te whakatinana, te whakapuaki hoki tētahi whakaaturanga ki tāngata kē.

## Tātari Kounga

- 1 Me mātua whakaae ngā kura me ngā whare mātauranga e te Mana Tohu Mātauranga o Aotearoa kia whakahaere aromatawai i mua i tā rātou rēhita i ngā whiwhinga i ngā aromatawai e hāngai ana ki ngā paerewa paetae.
- 2 Me pāhekoheko rawa ngā kura me ngā whare mātauranga, kua whakaaetia tā rātou aromatawai, ki te pūnaha mātairua e hāngai ana ki aua paerewa paetae.

Te tohutoro mō ngā Here o te Tuku Whakaaetanga me te Mātairuatanga (CMR) 0233

# Te Tautuhinga Aromatawai ā-Waho



Te Paerewa Paetae	91986
Te Ingoa o te Paerewa Paetae	Te whakaatu i ngā pekanga e rua o Te Ao Haka
Ngā whiwhinga	E 5
Te Marau	New Zealand Curriculum, Kaupapa Ako Māori: <a href="#">Te Ao Haka</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Ngā Momo Tāpaetanga ā-Matihiko	He kiriata – .mp4   .mov (<5GB, kia 10 meneti, iti iho rānei)
Te Rā Tuku Aromatawai ā-Waho	Te 28 o Oketopa 2026
Ngā Wātaka Aromatawai ā-Waho	1. <a href="#">Ngā Rā Aromatawai 2026</a> 2. <a href="#">2026 Examination Timetable</a>

## Te Whakatakotoranga Aromatawai ā-Waho

Ka tū ngā ākonga ki te karawhiu i ngā pekanga e **RUA** i roto i tētahi whakaaturanga, ka hopukina i te kiriata. Mā te ihi, te wehi me te wana e taea ai te kaihaka te karawhiu i ngā tūnga e rua (tirohia te Tūmahi Aromatawai ā-Waho 3.3 o Te Ao Haka mō ngā kōrero whakamārama mō te ihi, te wehi me te wana - ([Te Ao Haka](#) | [NCEA \(education.govt.nz\)](#)).

Kei te ākonga te tikanga mehemea ka tū ā-takitahi rānei, ā-rōpū rānei.

Me karawhiu i ēnei tūnga e **RUA**, mai i tēnei tau tonu (*ētahi tauira: Te Matatini, ngā whakataetae ā-rohe, ā-motu rānei, ngā hui ā-Kura, hui ā-iwi, hui ā-hāpori rānei*). Ko ngā tūnga kua rīkoatanga o waho atu i tēnei tau e kore e whakaaetia ngā Kaiarotake.

Tēnā tirohia te Kete Manarua i te paetukutuku nei - [He Kete Manarua](#).

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga. Kia tutuki pai ai te Kete Manarua ā-matihiko nei:

- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);

- me tāmāu te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai ā-waho. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

### Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;
  - » ngā pukapuka kāore anō i whakaputaina;
  - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a MyNZQA.](#)

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.service.centre@nzqa.govt.nz](mailto:assessment.service.centre@nzqa.govt.nz),
- waeahia rānei te NZQA Contact Centre i te 0800 687 296.

# Te Mahere Aromatawai ā-Waho

Te Ao Haka 91986: Te whakaatu i ngā pekanga e rua o Te Ao Haka

Kairangi	Kaiaka	Paetae
Te whakapuaki i ngā pekanga e rua o Te Ao Haka	Te whakaari i ngā pekanga e rua o Te Ao Haka	Te whakaatu i ngā pekanga e rua o Te Ao Haka

## Te Paearu Aromatawai ā-Waho

Hei tohu i te Kairangi	Hei tohu i te Kaiaka	Hei tohu i te Paetae
Te Whakakorikori i ngā Pekanga e rua o Te Ao Haka mā: <ul style="list-style-type: none"> <li>» Te karawhiu i ngā whakaaturanga me te ihi, wehi, wana anō</li> <li>» Te karawhiu i ngā whakaaturanga hei pūkōrero, hei pūwānanga</li> </ul>	Te Whakakōrero i ngā Pekanga e rua o Te Ao Haka mā: <ul style="list-style-type: none"> <li>» Te whakapuaki whakaaro i roto i te tūnga mā te tuku i ngā kare ā-roto, i te wairua kia rere.</li> <li>» Te whakaahua tika i ngā kōrero o ia Pekanga i roto i ngā whakaaturanga.</li> </ul>	Karawhiua kia rua ngā Pekanga o Te Ao Haka mā: <ul style="list-style-type: none"> <li>» Te whakaatu i ngā pekanga rerekē (kia rua),</li> <li>» Te whakatakoto māramatanga ki te kāhau o ia Pekanga i roto i te tūnga.</li> </ul>

## Te Taunaki i te Aromatawai ā-Waho

KR8	KR7	KA6	KA5	P4	P3	KW2	KW1
I roto i ngā whakaaturanga e <b>RUA</b> , ka whakatutuki i te whakaaturanga mā te ihi, te wehi me te wana.  I roto i ngā whakaaturanga e <b>RUA</b> , ka whakatutuki i te whakaaturanga mā te whakatau i te horopaki o ngā Pekanga, mā te whakaū i te kaupapa o te tū me te whakakōrero i te Pekanga mā tōna tinana, mā tōna reo, mā ōna kare ā-roto anō hoki.	I roto i ngā whakaaturanga e <b>RUA</b> , ka whakatutuki i te whakaaturanga mā te ihi, te wehi me te wana.  I roto i ngā whakaaturanga e <b>RUA</b> , ka whakatutuki i te whakaaturanga mā te whakatau i te horopaki o ngā Pekanga, mā te whakaū i te kaupapa o te tū me te whakakōrero i te Pekanga mā tōna tinana, mā tōna reo, mā ōna kare ā-roto anō hoki.	I roto i ngā whakaaturanga e <b>RUA</b> , ka whakatairangatia te reo o te tinana, o te kanohi, o te wairua anō. Ka tū rangatira, ka tū maia hoki te ākongia kia whai kaha anō ai te whakaaturanga.  I roto i ngā whakaaturanga e <b>RUA</b> , ka whakatairanga i te kaupapa o ia Pekanga ki tōna taumata tiketike.	I roto i ngā whakaaturanga e <b>RUA</b> , ka whakatairangatia te reo o te tinana, o te kanohi, o te wairua anō kia whai wehi ai te whakaaturanga.  I roto i ngā whakaaturanga e <b>RUA</b> , ka whakatairanga i te kaupapa o ia Pekanga.	Ka tukuna e te ākongia he whakaaturanga taunakitanga mō ngā Pekanga e <b>RUA</b> .  Ka whakamāramahia ōna mōhiotanga o te taera o ngā Pekanga e <b>RUA</b> .	Ka tukuna e te ākongia he whakaaturanga taunakitanga mō ngā Pekanga e <b>RUA</b> .  Ka whakamāramahia ētahi mōhiotanga o te taera o ngā Pekanga e <b>RUA</b> .  Ka noho rerekē pea ngā āhuetanga.	Kua ngana ki te whakatutuki i ngā tikanga o te paearu nei, heoi anō kaore i tutuki. Hei tauira, kaore i tutuki te tū me te rikoata i ngā whakaaturanga, kaore rānei i whai wāhi atu te ākongia ki ngā haratau, ki ngā parakatihi i taea ai te tuku māka ki a ia.	He iti rānei, kaore rānei he taunakitanga kua tukua mai hei whakautu.

## Ngā whakatau iho

Kairangi	Kaiaka	Paetae	Kāore i whiwhi
7 - 8	5 - 6	3 - 4	0 - 2